

梅村家藏藁



為
梅村榮酒走先生寫
廣陵為之界



梅村家藏稿吾友授經得諸都門廠肆斟
榘既竟識其鈔刻源流增併卷數復以式
通髻齒之歲便誦吳都文獻之徵恆殷江
左屬為偶語概厥平生先生以曠世逸才
遭明末造著西銘之籍夙冠清流彈烏程
之黨聿彰風節留都移宦養望人師太學
上書訟冤朝士時則四凶柄國壘壞家居
群寇滔天延及京邑薄日墮景莫挽冀洲

之沈幽蘭坐燎遂入鼎湖之夢宗社既覆
圖錄有歸而稽小腆之紀年非無烈士證
南疆之逸史亦有頑民龍漢浩劫之經朱
噉焉食螢火秋光之記碧血猶凝即至閩
粵流離人懷毅魄匪獨江東餘閩身殉孱
王類奮螳臂於生前或潔蟬蛻於物外靡
不食甘薇蕨心苦卷施炳正氣而特書表
骨香而署集芝焚蕙歎羽換宮移大患有

身為親而屈母氏款款之語兒死誰依故人慷慨之吟詞悽絕命悔一錢之不值入九地而餘悲余情信芳人間何世蓋自呵壁問天以後見諸文字藹為聲音者索偶搜逮無此奇痛而香草之拾始老宿以逮童蒙藻采所敷起宮閨以訖異域亦自有著作者無此風行焉嗟乎生也有涯情難遣此過殷墟而欲泣恐近婦人涉洞庭而

無言獨思公子義熙已易遐想羲皇淮南
既仙猶存賓客望水天之杳渺閒話滄桑
覩冊府之飄零抱殘灰燼山中終隱書傳
入洛之交期海上乞師色動登臺之慟哭
素心泉路死負侯羸晞髮陽阿生慚舉羽
河山有異曾無風景之殊陵谷已遷試續
夢華之錄初徵博士始改元和閒坐宮人
重談天寶下銅仙之鉛淚親見駝街眺玉

女之清矚寓言驍箭倡家質子坐傷年鬢
之秋窮巷空廬追憶宴游之好固宜執珪
憔悴病尚越吟援筆纏綿怨同蜀魄桑乾
蓬轉擬嗣宗之詠懷麥秀黍離賦子期之
思舊河梁五字降將發之而慘顏雍門一
彈孟嘗聽之而雪涕可謂掬傷心之抱奏
亡國之音不無危苦之辭惟以悲哀為主
者也若夫朱顏獨秀何殊鄴下之聲華白

髮填詞亦類江關之蕭瑟論其身世則似
蘭成事寫天家恍見草堂之忠愛箋成後
學儼奉詩聖之馨香論其歌詠則似少陵
萃莊結構應標野史之名法曲淒涼無異
蔡州之望論其心迹則似遺山寶績品題
雅合鷗波之論畫浮屠贈答差同天竺之
求書論其文采則似松雪擬人必倫望古
遙集詞客有哀時之作拾遺本良史之才

中州深故國之思王孫稱遺臣之雋兼茲
數者伊其戚矣雖梨洲舊說糾及無韻之
文而長慶嗣音麗軼前人之製是以聲傳
河滿播於

禁中豔溢鎔豪寵以

宸翰以視漢帝讀子虛之賦恨不同時宋
主興奇才之歎聞諸他日情事不侔契合
則一鹿樵紀在知身後大獄之誣西齋書

存儷蘇氏斜川之集斯則弔鄧尉詩人之
墓足語吟魂披婁東耆舊之編無慚作者
云爾宣統辛亥二月汾陽王式通序

志謹董
氏誦芬
室艸梓

哀江南賦通天表愁殺前朝侍從臣苦被人呼吳
祭酒自題園石作詩人 湘江渺、恨無窮回首蒼
梧夕照中生恐移根難得地國香零落付秋風 老
去偏工幼婦辭請看獨坐撫吟髭鴻臚初唱面如玉
恨未兒君年少時 國初渚老盡傳神 余家舊藏
遂園襖飲
國及新得之王麓臺汪
陸交小照皆與鴻臚筆也為先生寫此真休笑一錢都不
值殘嫌足抵夜光珍

右吳梅邨先生行看子為禹慎齋寫照顧元昭

補景皆未署年月同時題詠亦無一存考先生
歿於康熙十年辛亥壽六十有三禹生少後當是
先生六十許時作也同治戊辰七月余購得之輒題
四絕句並徵同人和焉梁谿後學秦緝業并識
樂府歌行氣最奇貴園秋色上吟髭眉間無限
興亡恨祇有蒲團忍草知 嘗向東風向畫蘭
白琴邊清泪墨花寒斜窺淺立姍、意多恐飄零
不忍看

宗源瀚

祭酒風流儼若存一叢香草伴吟魂
熙朝雨露喜私澤空谷當年早麥恩
冷坐蒲團意可知乞歸詩在就徵時
鐵厓異代容私淋合把朝衫換白衣

辭時雨

蕭瑟真憐庾子山空餘詞賦動江關
白衣難結漁樵侶青瑣重登侍從班
吳地親朋楚日下淮王雞犬望雲間
滋蘭樹蕙無窮意憔悴聊看盡裏顏

己巳夏五月

施補華

人言堯幽囚或言舜野死目斷蒼梧淚不止先生
頭白髮垂耳遺骨千年蛻於此

梅邨先生過墨陽
親訪文學博詩

妙畫尚通靈生綃尺幅橫依稀沈家令愁絕庾
蘭成鴻臚室真筆潭泣若為情熏香供作黃
金佛添取彈琴下玉京

澹如夫子命題駿公祭酒小景初秋苦熱不能
長吟勉賦一章清心已巳秋七月三日袁晁呈豪
生平愛誦梅邨集煙墨縱橫老淚彈自有文章

追庾信翻憐雞犬別劉安
敝盆寥落空餘恨宮
扇淒涼祗獨看
艾炙耆頭瓜噴鼻
龔錢應識此
心難

王麟書

禹慎齋為梅邨先生畫象同治間吾郡秦君
澹如官杭州得之因徵時流題詠合所自作凡
六家此本今歸上虞羅學部振玉比刻吳氏
家藏彙成借撫卷端并錄諸詩附後董康記

余老歸空門不復染指聲律而頗悟詩理以爲詩之道有不學而能者有學而不能者有可學而能者有可學而不可能者有學而愈能者有愈學而愈不能者有天工焉有人事焉知其所以然而詩可以幾而學也閒嘗趣舉其說而聞者莫吾信頃讀梅村先生詩集喟然歎曰嗟乎此可以證明吾說矣夫所謂不學而能者三侯垓下滄浪山木如天鼓谷音稱心而衝口者是也所謂學而不能者賦名六台句取切偶如鳥空鼠啣循聲而屈步者是也此非所以論梅村之詩梅村之詩其殆可學而不可能者乎夫詩有聲焉宮商可叶也有律焉聲病可案也有體焉正變可稽也有材焉良楮可攻也斯所謂可學而能者也若其調之鏗然金春而石夏也氣之熊然劍花而星芒也光之耿然春浮花而霞侵月也情之盎然草碧色而水綠波也戴容州有言藍田日煖良玉生煙可望而不可置於眉睫之間以此論梅村之詩可能乎不可能乎文繁勢變事近景遙或移形於跬步或縮地於千里泗水秋風則往歌而來哭寒燈擁髻則生死而死生可能乎不可能乎所謂可學而不可能者信矣而又非可以不學而能也以其識趣正定才力宏肆心地虛明天地之物象陰符之生殺古今之文心

名理陶冶籠挫歸乎一氣而成資以爲詩善畫馬者曰天閑萬廐皆吾師也安有撐腸衝腹蟬吟蚓竅而謂之能詩者哉元黃金碧入其鑪鞴皆成神丹而他人則爲掇拾之長物么絃孤韵經其杼軸皆爲活句而他人則爲偷句之鈍賊參苓不能生死人朱鉛不能飾醜女故曰有學而愈能有愈學而愈不能讀梅村詩者亦可以霍然而悟矣竊嘗謂詩人才子皆生自間氣天之所使以潤色斯世而本朝則多出詞林然自高青丘以降若李賓之楊用修者未易一二數也豐水有芑生材不盡而產梅村於隆平之後以錦繡爲肝腸以珠玉爲咳唾置諸西清東序之間俾其鯨鏗春麗眉目一世輕材小生不自量度猥欲以煩聲促節流漂嘈囋爭馳尺幅之上豈不諄哉余故略舉學詩之說以引其端世之蹉跎短垣呼嚮相命者聞余言固將交綏引去而余以老髦才盡目瞪吻燥自詭於僞書焚筆者亦可以有辭也順治庚子十月朔虞山蒙叟錢謙益再拜謹序

附錄致梅村書

謙益

白荒村草具樵蘇不爨昔賢峴山夜宿以乳羊博市沽比之吾輩豈非華筵高會乎別後捧持大集坐臥吟嘯如渡大海久而得其津涉

詞麗句清層見疊出鴻章繙繡富有日新有事採剝者或能望洋而歎
若其攢簇化工陶冶今古陽施陰設移步換形或歌或哭欲死欲生或
半夜而啼或當餐而歎則非精求於韓杜二家吸取其神髓而依助之
以眉山劍南斷斷乎不能窺其籬落識其阡陌也諷誦久之不禁技癢
遂放筆爲敘引非謂樸學謏聞足以遂盡來美亦聊於唱歎之餘少抒
其領略使人知天人之際可學不可學之介出自心神本乎習氣真如
內典所謂多生異熟不思議熏習者庶幾無幾倖其不能而鏃礪其可
學爲斯人少分箴砭提醒眼目耳信心衝口便多與時人水火豫章徐
巨源規切不肖爲文晚年好罵此序一出恐世之詞人樹壇立坊者又
將鉗我於市矣不敢自秘輒繕寫求政唯篋而藏之不惟爲魏公藏拙
亦可謂免我於死也老人放言未知執事何以命之大集謹封題奉歸
記室禪誦之暇未能釋然或鏤版或副墨早得賜教以慰渴饑是所願
望也煙老有嗜痂之癖或可傳示以博一笑大虛小阮褰帷虞山想當
枉駕可圖接席江右豔曲盈細盜標西崑香奩塞破此世界矣老先生
何以應之附及一笑不盡

梅村家藏藁目錄

卷第一 前集一 五言古詩

贈蒼雪

塗松晚發

臨江叅軍

讀史雜詩四首

避亂六首

毛子晉齋中

松鼠

贈王鑑明五十

吳門遇劉雪舫

贈顧雲師 并序

西田招隱詩四首

哭志衍

閩州行

讀端清鄭世子傳

遇南甯園叟感賦

詠史十二首

卷第二 前集二 七言古詩

行路難十八首

殿上行

雒陽行

畫蘭曲

清風使節圖

悲滕城

贈范司馬質公

襄陽樂

高麗行

三松老人歌

送志衍入蜀

卷第三 前集三 七言古詩

永和宮詞

琵琶行 并序

宮扇

宣宗御用蟋蟀盆歌

聽卞玉京彈琴歌

南生魯六真圖歌 并序

後東臯草堂歌

汲古閣歌

東萊行

鴛湖曲

項黃中家觀法帖

蕭史青門曲

百花驄歌 并序

圓圓曲

勾章井

贈吳錦雯

送徐次桓歸胥江草堂

送杜敬武

蘆洲行

捉船行

馬草行

題志衍所畫山水

墓山兒

卷第四 前集四 五言古詩

夜泊漢口

送黃子羽之任四首

穿山

立墓謁剖公

過聞果師園居

游西灣

送友人還楚

送繼起和尚入天台

早起

五月尋山夜寒話雨

瑜芬侍兒

讀史雜感十六首

溪橋夜話

再簡子俶

素馨

感舊

贈歌者

免缺

織女

感事

贈蒼雪若鏡兩師

謝蒼雪

送李友梅還楚

贈黃州杜退之

王瓜

豇豆

覓

送炤如師

初冬月夜過子佩

園居柬許九日

晚泊

題心函上人方庵

題敬上人代笠

過南屏訪無生上人

簡武康姜明府二首

曉妝

贈徐子能二首

初春夜坐奇懷室

新霽喜孫令修至

送王子彥

遇舊友

偶值

呈座主李太虛八首

歲暮送穆大苑先四首

曉發

客路

贈劉虛受二首

苦雨

海溢

閩園詩十首

并序

課女

嘉湖訪霍魯齋四首

贈郡守李隆吉

野望二首

送張學博

冬霽

松花石

嘲張南垣

破山興福寺鶴如五十

得廬山願雲師書

園居

卷第五 前集五 七言律詩

梅村

懷楊機部軍前

送黃石齋謫官

送左子直子忠兄弟

聖駕闕城

登梁王吹臺

過朱仙鎮

送楊鳧岫

白門遇北來友人

甲申十月南中作

有感

感楊梅作

王煙客西田賞菊二首

和王太常西田雜興八首

贈王子彥四首

姜如須從越中寄詩次韻

言懷

啁問五子俶

同許九日洞庭山館

過甫里

代具師答贈

與友人譚遺事

追悼

見人作布帽

謁范少伯祠

題登封兩烈婦詩

駕湖感舊

武陵謁張石平

登數峰閣

見伐木者

陳青雷半園

西泠閨詠四首 并序

海市四首

別丁飛濤兄弟

贈馮子淵總戎

追敘丁亥之秋賞菊

友人齋說餅

卷第六 前集六 七言律詩

庚寅元旦試筆 并序

穆大苑先桐廬歸

贈李莪居御史

贈陸孟晃二首

贈申少司農二首

宴孫孝若山樓

琴河感舊四首 并序

贈糧儲道步公

辛卯元旦試筆

雜感三十一首

鄧元昭奉使江右

題駕湖閨詠四首

補稷并序

過朱買臣墓

題朱子葵鶴洲草堂

題孫銘常畫蘭

送林衡者歸閩

送文學博

雪夜苑先齋中二首

癸巳虎丘四首

投贈督府馬公二首

自嘆

登上方橋有感

鍾山

臺城

國學

觀象臺

鷄鳴寺

功臣廟

立武湖

無題四首

過朱君宣百草堂

周棧園有墨癖二首

贈陽羨陳定生

送李秀州

卷第七 前集七 五言排律

聯句 絕句

晚眺

海獅

麥蠶

思陵長公主輓詩

附錄

梅花庵話雨聯句

子夜詞三首

子夜歌十三首

子夜歌六首

采石磯

新翻子夜歌四首

卷弟八 前集入 七言絕句

過魚山曹植墓二首

項王廟

虞美人

釣臺

贈妓郎圓

偶成二首

感舊

汴梁二首

題歸元恭像四首

戲贈十首

亂後過湖上

聽朱樂隆歌六首

觀棋六首 并序

贈寇白門六首

題莊橙菴像四首

楚雲八首 并序

山塘重贈楚雲四首

題殷陟明仙夢圖

卷弟九 後集一 五言古詩

下相懷古

夜宿阜昌

贈家侍御雪航

題河渚圖

送何省齋

送宛陵施愚山三首

磬清湖

并序

清涼山讚佛詩四首

石公山

歸雲洞

林屋洞

送周子叔四首

蕩子失意行

宿福源精舍

游石公山諸勝

天王寺看牡丹

揖山樓

題江右非非子

鹽官僧

直溪吏

臨頓兒

卷第十

後集二十七言古詩

楚兩生行

并序

茸城行

過錦樹林玉京道人墓

并序

曇陽觀訪文學博

贈陸生

吾谷行

送杜大于皇

悲歌贈吳季子

織婦詞

贈穆大苑先

遣悶六首

詠拙政園山茶花并引

短歌

顧侍御招同虎丘夜集

高涼司馬行

魯謙庵以虞山圖索歌

九峯草堂歌并序

觀王石谷山水圖歌

京江送遠圖歌并序

沈文長雨過福源寺并序

秋日錫山謁伯成

題劉伴阮凌煙閣圖并序

白燕吟并序

木棉吟

卷第十一 後集二 七言古詩

題蘇門高士圖

贈總憲龔公芝麓

王郎曲

臨淮老妓行

送沈繹堂太史之官太梁

通立老人龍腹竹歌

畫中九友歌

送舊總憲龔公

雁門尚書行并序

雕橋莊歌并序

贈馮訥生

海戶曲

退谷歌

贈文園公

銀泉山

田家鎮獅歌

題崔青蚓洗象圖

松山哀

打水詞

再觀打水詞

雪中遇獵

卷弟十二 後集四 五言律詩

高郵道中四首

清江聞

過姜給事

遠路

過東平故壘

旅泊書懷

黃河

桃源縣

膠州

白洋河

過古城謁三義廟

項王廟

南旺謁分水龍王廟

送何石湖之官臨晉

送紀伯紫四首

送友人往真定

送純祐兄四首

曹秋岳龔芝麓分韻二首

病中別孚令第十首

再寄三弟二首

送王立照

送孫令修游眞定

送周子俶張青瑀六首

送湘陰沈旭輪四首

送王子彥南歸四首

代州

送穆苑先南還四首

送何蓉庵四首

猿

橐駝

象

牛

蒲萄

石榴

蘋婆

文官果

冰

南苑春蒐應制

送田髯淵四首

偶見

送詹司理之官濟南

幼女

送程太史翼蒼

送郭宮贊次庵

送純祐兄之官確山四首

卷第十三 後集五 五言律詩

過中峰禮蒼公塔四首

過王庵看梅

獨往王庵看梅

送致言上人

過韓蘄王墓四首

宿沈文長山館二首

福源寺

贈古如和尚

過圻村

湖中懷友

七夕卽事四首

大根菜

酌突泉二首

贈楊仲延

靈巖觀設戒

遙別故友二首

秋夜不寐

七夕感事

喜顯雲師廬山歸

并序

贈錢受明

受明得子柬賀

宿徐元歎落木庵

送王惟夏北行四首

虎丘中秋新霽

哭亡女三首

中秋看月有感

支硎山齋聽雨

憇趙凡夫所鑿石

趙凡夫山居

靈巖繼起和尚住虎丘

王子彥罷官哭子二首

寄懷陳直方四首

咏月

訪商倩郊居

假寐得月

三峰秋曉

偕顧伊人宿破山寺

維摩則公出新詩見示

夜發破山寺別鶴如上人

苦雨

卷第十四 後集六 五言律詩

茸城客樓吟眺

遇宋子建話故友

樓聞晚角

送錢子璧赴大名

過諸乾一細林山館

神山夜宿

過徐文在西余山莊

別倩扶女郎

天馬山過鐵厓墓

陳徵君西余山寺

橫雲

送聖符弟之任蘄水丞四首

舟過溪橋示顧伊人

余山姚翁出所畫花鳥

贈青溪蔡羽明

橘

蛤蜊

膾殘

石首

燕窩

海參

比目

鯨

過吳江有感

莫釐峰

送沈友聖漢川哭友詩四首

并序

秦留仙寄暢園三詠

慧山酒樓遇蔣翁

家園次罷官吳興四首

和元人齋中雜詠八首

過東山朱氏畫樓

并序

偕葉允文游寒山深處

查灣西望

拜王文恪公墓

胥王廟

查灣過友人飯

寒山晚眺

翠峰寺遇友

登寒山高處

沙嶺

飯石峰

柳毅井

雞山

廐里

仙掌樓別衆友

登雨花臺

留洞庭二十日

武山

題郁靜巖齋前壘石

卷第十五 後集七 言律詩

江樓別幼弟孚令

揚州四首

過維揚弔衛少司馬

過淮陰有感二首

贈淮撫沈公清遠

淮上贈稽叔子

過宿遷極樂庵

白鹿湖陸墩詩

自信

新河夜泊

將至京師寄諸老四首

次楊文驄走馬詩韻二首

過鄭州

恭紀 聖駕幸南海子

聞撤織造志喜

南苑應 制

送無錫堵伊令之官厯城

元夕

讀鄒城魏石生詩

送永城吳令之任

送朱司李之任

送胡彥遠南還河渚

江上

送顧舊來典試東粵

送李書雲蔡聞培典試西川

送山東耿中丞

送友人之淮安

送吳贊皇之任

次劉相國韻

朝日壇

李退菴奉使湖南

得嚴方公信

送趙友沂下第

懷王奉常

送友人從軍二首

紀事

送汪均萬南歸

壽座師李太虛四首

寄房師周芮公四首

并序

卽事十首

卷第十六 後集八 七言律詩

長安雜咏四首

哭蒼雪二首

送友人出塞

海警

卽事

送同官出牧

寄周子佩中州

懷古兼弔侯朝宗

送曹秋岳四首

送楊猶龍二首

送王藉茅二首

送馬觀揚

送王孝源

送朱遂初四首

七夕感事

和楊鐵崖天寶遺事詩二首

送傅夢禎還嵩山

夜宿蒙陰

郊城曉發

聞台州警四首

遣嫁

江城遠眺

贈遼左故人八首

春日小園卽席

題畫六首

蘭虎

茄牛

養鶴

蟬猴

蘆筆

橘燈

桃核船

蓮蓬人

戲咏不倒翁

贈孫孝維四首

贈錢臣辰

贈袁韞玉四首

送楊懷湄擢臨安令

登縹緲峰

過席允來山居

贈李笠翁

贈王莘雲尊人

客談雲間帥坐中事

別維夏

卷第十七 後集九 七言律詩

訪吳永調四首

送張玉甲之官印雅四首

哭趙友沂

贈吳燕餘二首

壽繼起和尚

惠山二泉亭

贈張以韜來鶴詩

過三峰葉公話舊

袁重其百有二歲索詩紀異

虎丘卽事四首

贈張升衡

贈陳三石

贈王擔四

贈彭益甫

偕九日過雲間公譙二首

贈安肇開

溟地饒吹四首

儒將

俠少

山居卽事

九峰詩九首

送會庭聞移家甯夏

贈何匡山

題孫子長七十壽圖

觀蜀鵲啼四首

并序

題葉菴和尚畫像二首

戊申上巳過吳興修禊

立夏日陪園次

得友人札

八風詩入首

贈王內三四首

壽大中丞韓公

贈李膚公五十

雨過鄧尉哭剡石二首

咸舊贈蕭明府

并序

送許堯文之官蒲陽二首

卷弟十八

後集十

五言排律

六言絕句

六言絕句

途中遇雪

送李仲木出守甯羌

贈家園次

西隱寺古松

漢武帝紀

讀光武紀

蕭何

南苑應制

題畫

偶見二首

古意

偶成十三首

卷弟十九

後集十一

七言絕句

下相極樂庵

過昌國

任三

臨清大雪

阻雪

送王立照入首

讀史偶述四十首

伍員

偶見二首

題帖二首

南苑應制

題石田畫芭蕉二首

口占

題沙海客畫達摩

題二禽圖

詠柳四首

送友人出塞二首

雜題

卷弟二十 後集十二 七言絕句

靈巖寺放生雞四首

口占贈蘇崑生四首

讀史有感八首

爲楊仲延題畫冊

偶得三首

題畫四首

夜游虎丘入首

戲題士女圖十二首

題寒香勁節圖

烏棲曲

讀陳其年新詞四首

題思翁做趙承旨筆

李青城以自壽詩索和

偶成

題董白小像入首 并序

又題董君畫扇二首

古意六首

仿唐人本事詩四首

題錢黍谷畫蘭二首

題王谷畫二首

臨終詩四首

卷第二十一 後集十三 詩餘

望江南十八首

如夢令五首

生查子三首

點絳脣

浣溪沙二首

菩薩蠻

減字木蘭花二首

醜奴兒令三首

清平樂

浪淘沙三首

柳梢青

西江月四首

南柯子二首

鵲橋仙

南鄉子三首

臨江仙二首

醉春風二首

江城子

千秋歲

風入松

永遇樂

紅林擒近

金人捧露盤

柳初新

卷弟二十二

後集十四 詩餘

意難忘

滿紅紅十三首

滿庭芳

六么令

燭影搖紅

倦尋芳

念奴嬌

木蘭花慢五首

水龍吟

風流子三首

沁園春六首

賀新郎二首

卷弟二十三

文集一 雜文

尹氏論

祭仲論

王室卿士論

伍胥復仇論

宋魏兩彭城王論

卷弟二十四

文集二 雜文

郊廟考

復社紀事

書宋九青逸事

清河家法述

遺安堂荅客問

卷弟二十五 文集三 雜文

梁宮保壯猷紀

卷弟二十六 文集四 雜文

跋王文肅公闡牘

題龔司李虞山畫冊

爲柳敬亭陳乞引

爲周弘叔勸引

葉公傳

卷弟二十七 文集五 序

黃陶庵文集序

何季穆文集序

陳百史文集序

白東谷詩集序

戴滄州定園詩集序

觀始詩集序

毛卓人詩序

卷弟二十八 文集六 序

龔芝麓詩序

朱子建詩序

程翼蒼詩序

彭燕又偶存草序

宋直方林屋詩草序

宋尚木抱真堂詩序

傅錦泉文集序

傅石漪詩序

卷第二十九 文集七序

宋牧仲詩序

程崑崙文集序

和州守楊仲延詩序

宋轅生詩序

嚴修人宜雅堂集序

白林九古栢堂詩序

蘇小眉山水音序

卷第三十 文集八序

太倉十子詩序

田髯淵夢歸草堂詩序

董蒼水詩序

吳六益詩序

鄒黎眉詩序

沈伊在詩序

徐季重詩序

翁季霖詩序

卷第三十一 文集九序

周子叔東岡稿序

余澹生海月集序

許堯文詩小引

趙孟遷詩序

永愁篇序

黃媛介詩序

陸子咏月詩題詞

朱生題詞

卷第三十二 文集十序

古文彙鈔序

梁水部玉劔尊聞序

宛平王氏家譜序

楊氏遺宗錄序

李貞女傳序

編年考序

秣陵春序

卷第三十三 文集十一序

江南巡撫韓公奏議序

江海膚功詩序

鹽運分司張森岳賑濟冊序

海防魯公贈言序

聖恩剖石和尚語錄序

卷第三十四 文集十二序

兩郡名文序

二宋稿序

孫孝若稿序

德藻稿序

王茂京稿序

卷第三十五 文集十三 序

送胡彥遠南歸序

送林衡者還閩序

贈琴者王生序

贈照如詩序

王石谷贈行詩序

孫孝維贈言序

卷第三十六 文集十四 序

文先生六十序

座主李太虛壽序

彭燕又五十壽序

黃觀只五十壽序

蕭孟昉五十壽序

冒辟疆五十壽序

白封君六十壽序

卷第三十七 文集十五 序

王奉常煙客七十序

申少觀六十序

丁石萊七十序

陳確庵尊人七十序

張枚庵五十序

錢臣辰五十序

郁靜巖六十序

題龔芝旌壽序

卷第三十八 文集十六 序

吳母徐太夫人七十序

顧母陳孺人八十序

顧母施太恭人七十序

秦母于太夫人七十序

王母徐太夫人壽序

吳孺人五十序

錢母譚太君六十序

趙母張太夫人六十序

卷第三十九 文集十七 記

舊學庵記

歸村躬耕記

海市記

聖恩寺藏經閣記

瑞光禪寺碑陰記 并頌

重修太倉州城隍廟碑記

卷第四十 文集十八 記

講德書院記

贈監察御史顧開明祠堂記 并頌

崇明平洋沙築海堤記

湖州峴山九賢祠碑記 并頌

修孫山人墓記

雲起樓記

卷第四十一 文集十九 神道碑銘

福建道御史忠毅李公神道碑銘

少保大學士王文通公神道碑銘

卷第四十二 文集二十 神道碑銘 墓誌銘

通議大夫兵部右侍郎永甯張公神道碑銘

封中憲大夫按察司副使秦公神道碑銘

僉憲梁公墓誌銘 左諭德濟甯楊公墓誌銘

卷第四十三 文集二十一 墓誌銘

鴻臚寺序班封兵部主事丹陽荆公墓誌銘

嘉議大夫按察司使江公墓誌銘

封徵仕郎翰林院檢討端陽孫公暨鄒孺人合葬墓誌銘

中憲大夫太僕寺少卿泰掖徐公暨李恭人合葬墓誌銘

中憲大夫廣東兵備副使王公墓誌銘

卷第四十四 文集二十二 墓誌銘

贈奉直大夫戶部員外郎費公墓誌銘

贈內翰林國史院檢討鄧公墓誌銘

南京福建道監察御史葉公偕配嚴孺人合葬墓誌銘

內閣中書舍人經筵正字官劉公墓誌銘

封中書舍人石公墓誌銘

卷第四十五 文集二十三 墓誌銘

監察御史王君墓誌銘

謝孝廉墓誌銘

工部主事兵科給事中謝公墓誌銘

贈奉議大夫秘書院侍讀徐君墓誌銘

卷第四十六 文集二十四 墓誌銘

朱昭芑墓誌銘

邵山人墓誌銘

鄭孝子墓誌銘

穆苑先墓誌銘

處士近陽張公墓誌銘

卷第四十七 文集二十五 墓誌銘

太僕寺少卿席甯侯墓誌銘 吳郡唐君合葬墓誌銘

太學張君墓誌銘 席處士墓誌銘

宋幼清墓誌銘

卷第四十八 文集二十六 墓誌銘

張母潘孺人暨金孺人墓誌銘

佟母劉淑人墓誌銘

封夫人張氏墓誌銘

劉母耿淑人墓誌銘

秦母侯孺人墓誌銘

蔣母陳安人墓誌銘

許節母翁太孺人墓誌銘

卷第四十九 文集二十七 墓誌銘

盧母羅淑人墓誌銘

陳母夏安人墓誌銘

白母陳孺人墓誌銘

王母周太安人墓誌銘

潘孺人墓誌銘

孫母金孺人墓誌銘

亡女權盾誌銘

卷第五十 文集二十八 墓表

卓海幢墓表

保御鄭三山墓表

先伯祖玉田公墓表

吳母孟恭人墓表

卷第五十一 文集二十九 塔銘 生塔頌

香山白馬寺巨治禪師教公塔銘

靈隱具德和尚塔銘

紹如禪師生塔頌

卷第五十二 文集三十 傳

謝封翁傳

志衍傳

柳敬亭傳

張南垣傳

汪處士傳

登封三節婦傳

湯節母趙氏傳

吳淑人傳

施太夫人傳

卷弟五十三 文集三十一

祭文 銘 贊

祭李幼基文

祭錢大鶴文

興福寺鐵爐銘

柳敬亭贊

卷弟五十四 文集三十二 書

答土撫臺開劉河書

致雲間同社諸子書

致孚社諸子書

與宋尙木論詩書

上馬制府書

荅黃總戎書

南中與志衍書

卷弟五十五 文集三十三 制科

崇禎辛未廷試策

卷弟五十六 文集三十四 制科

崇禎九年湖廣鄉試程錄 序一首 論一首 第二道

卷弟五十七 文集三十五 奏疏 揭 疏

劾元臣疏 辭職疏

請假省親疏 陞任請養疏

自陳不職疏 辭薦揭

與子暉等疏

卷弟五十八 詩話

梅村詩話

梅村家藏彙目錄終

梅村家藏藁卷第一

詩前集一

五言古詩三十八首

贈蒼雪

我聞昆明水天花散無數躡足凌高峰了了見佛土法師滇海來植杖渡
湘浦藤鞋負貝葉葉葉青蓮吐法航下匡廬講室臨玄圃忽聞金焦鐘過
江救諸苦中峰古道場浮圖出平楚通泉繞堦除疏巖置廊廡同學有汰
公兩山聞法鼓天親借無著一朝亡其伍獨游東海上從者如墻堵迦文
開十誦廣舌演四部設難何衡陽答疑劉少府人我將毋同是非空諸所
卽今四海內道路多豺虎師於高座上緝香祝君父欲使菩提樹徧蔭諸
國土洱水與蒼山佛教之齊魯一履遊中原五嶽問諸祖稽首香花巖妙
義足今古

塗松晚發

孤月傍一村寒潮自來去人語出短篷纔沒溪橋樹冒霜發輕舸披衣聽
雞曙斷響若鳴灘蘆洲疑驟雨漁因入浦喧農或呼門懼居然見燈火市

聲雜翁姬水改村店移一帆今始遇生涯問菰蒲世事隔沮洳終當謝親朋刺舟從此住

臨江參軍

楊公延麟字伯祥臨江人崇禎中以兵部贊畫參督師盧象昇軍事

臨江髯參軍負性何貞栗上書請賜對高語爭得失左右爲流汗天子知質直公卿有闕遺廣坐憂指摘鷹隼伏指爪其氣嘗突兀同舍展歡譔失語輒面斥萬仞削蒼崖飛鳥不得立予與交十年弱節資扶植忠孝固平生吾徒在眞實去年羽書來中樞失籌策桓桓尙書公提兵戰力疾將相有纖介中外爲危慄君拜極言疏夜半片紙出贊畫樞曹郎遷官得左秩天子欲用人何必慄顯職所恨持祿流垂頭氣默塞主上憂山東無能恃緩急投身感至性不敢量臣力受詞長安門走馬桑乾側但見塵滅沒不知風慘慄四野多悲笳十日無消息蒼頭草中來整暇見紙墨唯說尙書賢與語材挺特次見諸大帥驕懦固無匹逗撓失事機倏忽不相及變計趣之去直云戰不得成敗不可知生死子所執子時讀其書對案不能食一朝敗問至南望爲於邑忽得別地書慰藉告親識云與副都護會師有月日願恨不同死痛憤填胸臆先是在軍中我師已孔亟剽略斬亂兵掩

面對之泣我法爲三軍汝實飢寒極諸營勢潰亡羣公意敦逼公獨顧而
笑我死則塞責老母隔山川無繇寄悽惻作書與兒子無復收吾骨得歸
或相見且復慰家室別我顧無言但云到順德犄角竟無人親軍惟數百
是夜所乘馬嘶鳴氣蕭瑟椎鼓鼓聲哀拔刀刀芒澀公知爲我故悲歌壯
心溢當爲諸將軍揮戈誓深入日暮箭鏃盡左右刀鏃集帳下勸之走叱
謂吾死國官能制萬里年不及四十詔下詰死狀疏成紙爲溼引義太激
昂見者憂譏疾公旣先我亡投跡復奚恤大節苟弗明後世謂吾筆此意
通鬼神至尊從薄謫生還就阱釣志願自此畢匡廬何巖壑大江流不測
君看磊落士艱難到蓬華猶見參軍船再訪征東宅風雨懷友生江山爲
社稷生死無媿辭大義照顏色

讀史雜詩四首

東漢昔云季黃門擅權勢積忿召外兵癘決身亦斃雖自撥本根庶幾蕩
殘穢誰云承敝起仍出刑餘裔孟德沾丐養門資列朝貴憑藉盜弄兵豈
日唯才智追王故長秋無鬚而配帝鈞黨諸名賢子孫爲皂隸

其二

商君刑師傳徒木見威約范叔誣涇陽折脇吐誓謬地疏主恩深法輕主
權創苟非用刻深何以膺付託功成或倖退禍至終難度屈伸變化間卽
事多斟酌談笑遷種人吾思王景略

其三

蕭何虛上坐故侯城門東曹參避正堂屈已事蓋公咄咄兩布衣不仕隆
準翁其術總黃老閱世浮沉中所以輔兩人俱以功名終出處雖有異道
義將毋同何必致兩生彼哉叔孫通

其四

竇融昔布衣任俠家扶風翟公初舉事海內知其忠融也受漢恩大義宜
相從低頭就新葬顧入其軍中轉戰槐里下盡力爲摧鋒後來擁衆降仍
以當時功忝竊居河西蜀漢方相攻一朝決大計佐命蕭曹同吁嗟翟太
守爲漢傾其宗劉氏已再興白骨無人封徒令千載後流涕平陵東

避亂六首

我生江湖邊行役四方早所歷皆關河故園跡偏少歸去已亂離始憂天
地小從人訪幽棲居然逢浩渺百頃磬清湖煙清入飛鳥沙石晴可數鳬

鷺亂青草主人柴門開鷄聲綠楊曉花路若夢中漁歌出杳杳白雲護仙源劫灰應不擾定計浮扁舟於焉得終老

其二

長日頻云亂臨時信畝傳愁看小兒女倉卒恐紛然緩急知難定身輕始易全預將襦襦寄忍使道塗捐天意添漂泊孤舟雨不前途長從妾怨風急喜兒眠水市灣頭見溪門屋後偏終當這樸處不作畏途看未得更名姓先教禮數寬因人拜村叟自去榜漁船多累心常苦遭時轉自憐干戈猶未作已自出門難

其三

驟得江頭信龍關已不守繇來嗟早計此日盡狂走老穉爭渡頭篙師露兩肘屢喚不肯開得錢且沽酒予也倉皇歸一時携百口兩漿速若飛扁舟載來久路近忽又遲依稀認楊柳居人望帆立入門但需帚依然具盤飧相依賴親友却話來途中所見俱八九失散追尋間啼呼挽兩手屢休又急步獨行是衰朽村女亦何心插花尙盈首

其四

此方容跡便止爲過來稀一自人爭避溪山客易知有心高酒價無計掩
漁扉已見東郭叟全家又別移總無高枕地祇道故園非爲客貪蝦菜逢
人厭鼓鼙兵戈千里近隱遯十年遲唯羨無家雁滄江他自飛

其五

月出前村白溪光炤澄練放櫂浮中流臨風浩歌斷天塹非不雄哀哉日
荒燕嗟爾謀國徒坐失江山半長年篙起舞扁舟疾如箭可惜兩河土技
擊無人戰孤篷鐵笛聲聞之淚流霰我生亦何爲遭時涉憂患昔也游九
州今來五湖畔麻鞋習奔走淪落成愚賤

其六

曉起譁兵至戈船泊市橋草草十數人登岸沽村醪結束雖非常零落無
弓刀使氣搥市翁怒色殊無聊不知何將軍到此貪逍遙官軍昔催租下
令嚴秋毫盡道征夫苦不惜畊人勞江東今喪敗千里空蕭條此地村人
居不足容旌旄君見大敵勇莫但驚吾曹

毛子晉齋中讀吳匏庵手抄宋謝翱西臺慟哭記

扁舟訪奇書夜月南湖宿主人開東軒磊落三萬軸別庋加收藏前賢矜

手錄北堂學士鈔南宋遺民牘言過富春渚登望文山哭子陵留高臺西
面滄江綠婦翁爲神仙天子共游學攜家就赤城高舉凌黃鵠尙笑君房
癡寧甘子雲辱七里溪光清千仞松風謾廬陵赴急難幕府從羈僕蓮去
須武侯君存卽文叔臣心誓勿譏漢祚憂難復昆陽大雨風虎豹如蟬縮
詭譎淖洳水倉卒蕪亭粥所以恢黃圖無乃資赤伏卽今錢塘潮莫救匡
山麓空坑戰士盡柴市孤臣戮一死之靡宅百身其奚贖龔生天天年翟
公湛家族會稽處士星求死得亦足安能期故人共卧容加腹巢許而蕭
曹遭遇全高躅文山竟以殉趙社終爲屋海上悲田橫國中痛王蠋門人
蒿里歌故吏平陵曲彼存君臣義此製朋友服相國誠知人舉事何顛蹙
丈夫失時命無以辭碌碌看君書一編俾我愁千斛禹績荒煙霞越臺走
麋鹿不圖疊山傳再向嚴灘續配食從方干豐碑繼梅福主人更命酒哀
吟同擊筑四坐皆涕零霜風激羣木嗟乎誠義士已矣不忍讀

松鼠

衝飈飄顛瓦壤墻叢廢棘謾然見松踰搏樹向人立側目仍盱睢奉頭似
悚惕簷牙偃卧高屋角欹斜疾倒擁弱枝危迅蹶修柯直已墮復驚趨將

藏又旁突去遠且驚留迴顧再迷逸前逃赴已駛後竄追旋及剽輕固天性假狡因衆習兩木夾清漳槎牙斷尋尺攀緣所絕處排空自騰擲足知萬物機飛走不以力嗟爾遠何來鳥鼠忽而一本是居巖巖無端被羈繫兒曹初玩弄種類漸充斥黠彼憑社徒技窮耻盡匿銜尾共呼鳴異穴爲主客吾廬枕荒江垂死倚病柏雷雨撥其根慘裂蒼皮濕空腹鳴鴟蹲殘身螻蟻食社鬼不復憑乘間恣出入庭中玉蘂枝怒茁遭狼藉非敢念摧殘於君奚損益屈指五六年不遺一花白苞筍抽新芽編籬察行跡免彼鎌鉏侵值爾齒牙厄反使盜者心笑睨生歎息貧賤有此園謂可資薇植春蔬晚猶種夏果晨自摘鳥雀羣飛鳴啾啾滿阡陌婦子懶驅除傳菜加臺笠我亦顧而笑自信無長策焉能避穿墉會須憂入室茅齋雖云陋一經翦葺曉起看埽除仰視輒詫惜尋繩透簾幕掉尾來几席倒庋傾圖書窺厨啖漿炙空倉喧夜闌忘疲竟遺粒早幸官吏租督責無餘積邂逅開虛堂羣怒扼險塞地逼起衆呼拍手撼四壁捕此曷足多欲以觀其急櫛戶旣嚴局藥櫬若此簡瞥眼倏遁逃一巧先百密窮追信非算九豫不早擊忍令智弗如變計思與敵機深勇夫駭勢屈兒童獲舉世貴目前快

意相促迫比讀莊生書退守愚公術撲棗聽鄰家搔瓜任邊邑溪深獺趁魚果熟猿偷栗天地所長養於已何得失嗟理則誠然自古戒鼠泣仙豈學淮南腐難嚇梁國舞應京房占磔按張湯律終當就羅網不如放山澤永絕焚林風用全飲河德

贈王鑑明五十

伏勝謝生徒開壁藏卷軸恒榮抱詩書拾招逃巖谷古來兩經生遭亂航講讀後皆保耆頤或乃致鼎足當世數大儒如君號名宿通識曉世變早計駭愚俗一朝載妻子推車入天目經營志不遂退乃就田牧十畝種桑麻一溪蒔花木果茹飴兒孫樵蘇課僮僕以代子陵釣無媿君平卜俯視悠悠人愁苦對金玉下士豈聞道世事如轉轂五十知天命養生在無欲全家就白雲避地驅黃犢無以侑君觴知足則不辱

吳門遇劉雪舫

出門遇高會雜坐皆良朋排闥一少年其氣爲幽并羌裘雖裏膝日迺無諸儉忽然笑語合與我談生平亡姑備官掖吾父天家婚先皇在信邸降禮如諸甥長兄進徹侯次兄拜將軍先皇早失恃寤寐求音形太廟奉睿

咨流涕朝羣臣新樂初受封播笏登王廷至尊亦豐頤一見驚公卿兩宮
方貴重通籍長安門周侯累纖微鄙哉無令名田氏起輕俠賓客多縱橫
不比先后家天語頻諄諄獨見新樂朝上意偏殷勤愛其子弟謹憂彼俸
給貧每開十三庫手賜千黃金長戈指北闕鼙鼓來西秦寧武止一戰各
帥皆投兵漁陽股肱郡千里無堅城嗚呼四海主此際惟一身彷彿萬歲
山先后輜輶迎辛苦十七年欲訴知何因今纔識母面同去朝諸陵我兄
聞再拜慟哭高皇靈烈烈輩都尉揮手先我行寧同英國死不作襄城生
我幼獨見遺貧賤今依人當時聽其語剪燭忘深更長安昔全盛曾記朝
元正道逢五侯騎願暫爲卿兄卽君貌酷似豐下而微黠貴戚諸舊游追
憶應難真依稀李與郭流落今誰存君曰欲我譚清酒須三升舊時白石
莊萬柳餘空根海淀李侯墅秋雁飛沙汀博平有別業乃在西湖濱惠安
蓄名花牡丹天下聞富貴一朝盡落日浮寒雲走馬南海子射兔西山陰
路傍一廢園御道居人侵碑鐫孝純字僵石莓苔青下馬向之拜見者疑
王孫詢是先后姪感歎增傷心落魄游江湖踪跡嗟飄零傾囊縱蒲博劇
飲甘沉淪不圖風雨夜話舊同諸君已矣勿復言涕下沾衣襟

贈願雲師并序

願雲二十而與子游甲申聞變常相約入山子率師不果而師已悟道受法於雲門具和尚今夏從靈隱來止城西之太平菴云將遠游廬嶽貽書別予以兩人年踰不惑衰老漸至世法夢幻惟出世大事乃爲真實學道一著不可不勉予感其言因作此詩贈之并識子媿也

師名戒顯字願雲姓王氏少爲州諸生亂後棄儒冠入道先大夫同學友也

曉雨西山來松風滿溪閣忽得吾師書別予訪廬嶽分攜出苦語殷勤謂同學兄弟四十餘衰遲已非昨寄身蒼崖巔危苦愁失腳萬化皆虛空大事惟一著再拜誦其言心頗抑何忤末運初述邇達人先大覺勸吾非不早執手生退却流連白社期慚負青山約君親既有媿身世將安託今觀吾師行圓海一芒屨大道本面前卽是真極樂他年跌深巖白雲養寂寞一偈出千山下界鐘磬作故人叩松關匡床坐酬酢不負吾師言十年踐前諾

西田招隱詩四首

西田王煙客奉常別墅

穿築倦人事田野得自然偶來北郭外學住西溪邊道大習隱難地僻起

衆傳而我忽相訪，倬入菰蒲天。落日浮遠樹，桑柘生微煙。逕轉蹊路迷，鳬鴨引我船。香近聞菱荷，卧入花鮮妍。人語出垂柳，曲岸漁槎偏。執手顧而笑，此乃吾西田。長得君輩客，野興同流連。藉草傾一壺，聊以娛餘年。

其二

到此身世寬，息心事樵牧。舍南一團焦，云以飯黃犢。入門沿長廊，虛堂敞心目。把卷倚新桐，持杯泛南菊。曲處通簾櫳，茶香具含蓄。俄穿密室暗，倏遇清溪綠。碧水開紅蕖，娟娟幽獨有。鳥立層波垂，翅清如玉對。此不能去，溪光好留宿。月照寒潭深，經聲入寒竹。徙倚良有悟，閒房道書讀。

其三

別業多幽處，探源更不窮。堤沿密篠盡，路細竹扉通。石罅枯泉過，菖蒲間碧叢。一亭壓溪頭，魚藻如游空。扁舟更不繫，出沒柳陰風。小閣收平蕪，良苗何雍容。此綠詎可畫，變化陰晴中。隔岡見村舍，曲背驅牛翁。苦言官長峻，未敢休微躬。樸陋矜詩書，無乃與我同。日落掩扉去，滿地桃花紅。

其四

常言愛茅齋，投老纔剪葺。創置依舊圖，新意出彷彿。蒼然一笠寒，能添夕

陽色細影懸晨光一一清露滴卞生工丹青妙手固誰匹山村貧無人取
意先自適想像生雲煙爲我開素壁了了見千峰可以攜手入道人十年
夢惆悵平生屐此地足卧游不負幽人室願以求長生芝草堪采食

哭志衍

予始年十回與君蚤同學君獨許我文謂侔古人作長揖謝時輩自此管
與樂疏託終絕倫讀書取大略家世攻春秋訓詁苦穿鑿君撮諸家長弗
受專門縛卽子之太公亦未相然諾高譚羣兒驚健筆小儒忤長途馭二
龍崇霄翔一鷁遂使天下士咸奉吾徒約詞塲黍兩吳相與爲犄角煌煌
張夫子斯文紹濂洛五經叩鐘鏞百家垂矩矱海內走其門鞍馬填城郭
雲間數陳夏餘子多磊落反騷擬三湘作賦誇五柞君也游其間才大資
磨斲詩篇口自哦書記手頻削冠蓋傾東南虛懷事酬酢射策長安城馳
馬黃金綵年少交公卿才智森噴薄會值里中兒飛文肆謠詠要路示指
蹤黨人罹煢綴君也念急難疏通暗籌度陰落其機牙用意于莫覺逡巡
白衣奏停止黃門獄叶解褐未赴官歸來卧林壑賓客益輻輳聲華日昭
灼生徒巧談論文史供場推貧賤諸故人慰存餽衣藥躡履修起居小心

見誠恪重氣狗長者往往捐囊橐君家夙貴盛朱門飾華桷壘石開櫺軒
張燈透簾幕唱曲李延年俳弄黃旗綽舞席間毬塲池館花漠漠兄弟四
五人會燕騰觚爵鹽豉下魚羹椒蘭粦臙臙每具十人饌中厨炊香稱客
從遠方來咄嗟辦脾腴昨宵已中酒命飲仍大醕叶而我過其家性不勝
杯杓小戶不足糾引滿狂笑嚟卷波喝遣輪射覆猜須著狎侮座上人鬪
捷貪諧譁警速誰能酬自喜看跳躍堅坐聽其言乃獨無差錯親疏與長
幼語語存斟酌性厭禮法儒拘忌何齷齪風儀甚瓌偉衣冠偏落拓有時
不簪巾散髮忘盥濯中夜鬪歌呼分曹縱蒲博百萬一擲輸放意長自若
絕叫忽成盧衆手忽斂却男兒須作健清談兼馬狗犯雪披輕衫笑予爾
何弱嘗登黃山顛飛步臨峭嶢下有萬仞潭徒侶愁失脚搔首凌雲煙翹
足傲衡霍顧予石城頭橫覽浮大白叶慷慨天下事風塵慘河朔諸將擁
重兵養寇飽鹵掠背後若有節此輩急斬斮自請五千騎一舉殲首惡餘
黨皆吾人散使歸耕穫卽今朝政亂舉錯混淆濁君父切邊疆羣臣私幃
幄當官不彈治何以司封駁對仗劾三公正色吐謇諤此志竟迤邐天道
何窮剝六載養丘園一官落邛笮大盜竊江黃克徒塞荆鄂間道攜妻孥

改途走蠻貉瘴黑箐林行颺作瀘溪泊驛路出桄榔侯吏疑猿獾歇鞍到
平地修逢錦城樂問士先嚴楊恤民及程卓白鹽古戍烽赤脚嚴關柝再
拜蜀王書流涕傾葵藿請府發千金三軍賜醕醢賓旅給犀渠叟兵配驪
駱此地俯中原巨靈司鎖鑰水櫃扼涪江石門防劍閣我謀適不用岷峨
氣蕭索黑山起張燕青城突莊蹻積甲峨眉平飲馬瞿塘涸生民爲菹醢
醜類恣啖嚼徒行值虎豹同事皆燕雀孤城遂摧陷狂刀乃屠膊有子踰
十齡艱難孰顧託閭門竟同殉覆卵無完殼一弟漏刃歸兩踝見芒屨三
峽奔荆門魚龍食魂魄叶夢斷落滄江毋乃遭搏攫卽筒干日酒泉路無
寂寞追計平生歡一一猶如昨壁間所懸琴臨行彈別鶴玉子文楸枰尙
記爭殘着百架藏圖書千金入卷握刻意工丹青雲山共綿邈篋中白團
扇玉墜魚灋滸阿兄風流盡萬事俱零落我欲收君骨茫茫隔山嶽後來
識死事良史曾誰確此詩傳巴中磨崖書卓犖石剝蒼藤纏姓氏猶捫摸
庶幾千載後悲風入寥廓

閬州行

四坐且勿喧聽吾歌閬州天下勝十二錦屏樓歌舞巴渝盛江山士

女游我有同年翁閩州舊鄉縣送客蒼溪船讀書玉臺觀忽乘相如車謂
受文翁薦游宦非不歸十載成都亂只君爲愛子相思不相見相見隔長
安干戈徒步難金牛盤七坂鐵馬斷千山敢辭道路艱早向妻兒訣一身
上烏道全家傍虎穴君自爲尊章豈得顧妻子分攜各努力妾當爲君死
淒淒復切切苦語不能答好寄武昌書莫買秦淮妾巴水急若箭巴船去
如葉兩岸蒼崖高孤帆望中沒二月到漢口三月下揚州揚州花月地烽
火似邊頭驛路逢老親遷官向閩越謂逼公車期蚤看長安月再拜不忍
去趣使嚴裝發河山一朝異復作他鄉別別後竟何如飄零少定居愁中
鄉信斷不敢望來書盡道是葭萌殺人滿川陸積屍峨嵋平千村惟鬼哭
客有自秦關傳言且悲喜來時聞君婦貞心視江水江水流不極猿聲哀
豈聞將書封斷指血淚染羅裙五內爲崩摧買舟急迎取相逢惟一慟不
料吾見汝拭眼問舅姑雲山復何處淚盡日南天死生不相遇汝有親弟
兄提攜思共濟姊妹四五人扶持結衣袂懷裏孤雛癡啼呼不知避失散
倉皇間骨肉都拋棄悠悠彼蒼天於人抑何酷城中十萬戶白骨滿崖谷
官軍收成都千里見榛莽設官尹猿猴半以餉豺虎尙道是閩州此地差

安堵民少官則多莫恤蜀人苦淒涼漢祖廟寂寞滕王臺子規叫夜月城郭生蒿萊只有嘉陵江江聲自浩浩我欲竟此曲流涕不復道

讀端清鄭世子傳

昭代無遺憾萬事光史冊惜哉金川門神聖有慙德天誘其子孫救之以讓國賢如鄭世子宗盟堪表率當璧辭眞王累疏誠懇惻天子詔勿許流涕守所執敝屣視千乘謝之以長揖灑掃覃懷宮躬迓新王入夷齊旣死後曠代仍間出築屋蘇門山深心事經術明興二百年廟樂猶得失以之輯羣書十載成卷帙候氣推黃鐘攷風定六律嶢谷當南山伐竹製琴瑟爲圖獻太常作之文世室遂使溱洧間一洗萬古習我行漳河南懷古思遺澤好學漢東平高風吳泰伯道傍立豐碑讓爵存月日彼爲一卷書能輕萬家邑大雅欽遺風誠哉不可及

遇南廂園叟感賦八十韻

寒潮衝廢壘火雲燒赤岡四月到金陵十日行大航平生游宦地踪跡都遺忘道遇一園叟問我來何方猶然認舊役卽事堪心傷開門延我坐破壁低圍牆却指灌莽中此卽爲南廂衙舍成丘墟佃種輸租糧謀生改衣

食感舊存園莊艱難守茲土不敢之宅鄉我因訪故基步步添思量面水
背蒼崖中爲所居堂四海羅生徒六館登文章松檜皆十圍鐘梵聲鏘鏘
百頃搖澄潭夾岸栽垂楊池上臨華軒菡萏吹芬芳譚笑盡貴游花月傾
壺觴其南有一亭梧竹生微涼回頭望鷄籠廟貌諸侯王左李右鄧沐中
坐徐興常霜髯兄鋒骨老將東甌湯配食十六侯劍珮森成行得之爲將
相甯復憂封疆北風江上急萬馬朝騰驤重來訪遺跡落日唯牛羊吁嗟
中山孫志氣胡勿昂生世苟如此不如死道傷惜哉裸體辱仍在功臣坊
蕭條回泰寺南枕山之陽當時寶誌公妙塔天花香改葬施金棺手詔追
褒揚袈裟寄靈谷製度由蕭梁千尺觀象臺太史書禎祥北望古旄頭夜
夜愁光芒高帝遺衣冠月出修蒸嘗圖書盈玉几弓劍堆金床承乏忝兼
官再拜陳衣裳南內因瀝埽銅龍啓未央幽花生御榻苔澀青倉琅離宮
須望幸執戟衛中郎萬事今盡非東逝如長江鍾陵十萬松大者參天長
根節猶青銅屈曲蒼皮僵不知何代物同日遭斧創前此千百年豈獨無
興亡况自百姓伐孰者非咍桑羣生與草木長養皆吾皇人理已漸滅講
舍宜其荒獨念四庫書卷軸誇縹緗孔廟銅犧尊斑剝填青黃棄擲草莽

問零落誰收藏老翁見話久婦子私相商人倦馬亦疲剪韭炊黃粱慎莫
笑貧家一一羅酒漿從頭訴兵火眼見尤悲愴叶大軍從北來百姓間驚
惶下令將入城傳箭需民房里正持府帖食在御賜廊插旗大道邊驅遣
誰能當但求骨肉完其敢攜筐箱扶持雜幼稚失散呼耶孃江南昔未亂
閩左稱阜康馬阮作相公行事偏猖狂高鎮爭揚州左兵來武昌積漸成
亂離記憶應難詳下路初定來官吏踰貪狼按籍縛富人坐索千金裝以
此爲才智豈曰惟私囊今日解馬草明日修官塘誅求却到骨皮肉俱生
瘡野老讀詔書新政求循良瓜畦亦有畔溝水亦有防始信立國家不可
無紀綱春來雨水足四野欣農忙父子力畊耜得粟輸官倉遭遇重太平
窮老其何妨薄暮難再留暝色猶青蒼策馬自此去悽惻摧中腸願羨此
老翁負耒歌滄浪牢落悲風塵天地徒茫茫

詠史十二首

浹旬至台司三日遍華省慈明與中郎豈不念朝菌王良御奔車勢逼隴
越景急策度太行馬足殆而騁富貴若歲時過則生災疹草木冬先華經
春輒凋殞桓桓梁將軍赫赫蕭京尹一朝遇差跌未得全腰領人生百年

內飽食與美寢毋以藜藿糲羨彼鐘與鼎毋以毛褐敝羨彼紉與錦進固
非伊周退已無箕穎薄祿從下僚末俗居中品寂寥子雲戟從容步兵飲

其二

西州杜伯山北海鄭康成季孟將舉事本初方用兵脫身有追騎與疾猶
從征何循絕婚宦遯跡東籬門受逼崔慧景語默難爲情網疏免刑戮道
大全身名時命苟不佑千載無完人入山山易淺飲水水不清一身累妻
子動足背荆榛自非焦孝先何以逃黃巾庶幾詹尹卜足保幽人貞

其三

我思秦繆公再觀趙簡子兩人皆上天其事著信史秦趙本一姓始祖爲
蜚廉三后在帝側不克誅神姦適俾其子孫一氣俱乘權造父御日車後
且致苒乘并使汧渭間竟以馬受命祖龍好巡狩六飛日千里不謁東王
公其轡猶未已一以主房星一以行水德黃虵垂自天碧雞獲如石運啓
犬丘馬數終鑄池璧神人告滅虢社鬼方謀曹騷山劫火盛井絡天風搖
爲君一何愚爲鬼一何智歌舞走秦巫異哉秦二世

其四

楚人沉昭王酈君殺義帝千秋江漢間同下蒼梧淚小白問膠舟漫以水濱對當漢縞素時謂出魯公意歸獄他諸侯可以謝海內何獨無一言重墮信非智其後衡山王楚亡獨親貴改封在長沙乃居故君地不知江中時誰擊之半濟若此而不誅丁公有何罪酈陽一坏土守冢無人置視彼牧羊兒劉項總游戲發喪雖袒哭事出權宜計遮馬負董公區區守名義

其五

兵在速與遲不在巧與拙干將頓不用强弩穀不發猛虎有猶豫北土無勇決樂生濟上軍迎刃踰數節已下七十城欲使齊人悅五載功未成變起因間謀以此資田單莫僅尤騎劫後來戲下將區區守聊攝干載魯連書讀者爲悲咽

其六

孝惠非不男內嬖姬姜盛少帝及諸王故是高皇循呂后貪家權無意移天命戀戀魯元女欲久宮闈政立子殺所生禍出牝鷄性負圖乃辟陽國本焉能定臨朝再廢立流言誤物聽祿產又弄兵海內因疑信文帝從代來易置天人順清宮遠剪除此事慙堯舜班史親王表絕使殊同姓欲以

尊朝廷俾勿滋餘論千秋龍種冤屬籍誰能正

其七

古來有烈士軹里與易水慶卿雖不成其事已並美專諸弑王僚朱亥殺
晉鄙惜哉博浪椎何如圯橋履公孫擅西蜀可謂得死士連刺兩大將採
囊取物耳皆從百萬軍夜半入帳裏匕首中要害絕跡復千里若論劒術
精前人莫能比胡使名弗傳無以著青史誰修俠客傳闕疑存二子

其八

高密未佐命早共京師游弱冠拜司徒杖策功名收雲臺畫少年萬古誰
能儔興王諸將相足使風雲羞鄧芝遇先主七十才封侯位至大將軍覆
鑠高春秋英雄初未遇垂老猶窮愁祖孫漢功臣年齒胡不侔我讀新野
傳慷慨思炎劉

其九

管仲升盜卿後人習其傳黃巾賢良師矯託非誠然異哉黑山賊詔得舉
孝廉夏商制刑鼎唐虞畫衣冠淳樸以之漓無乃非義軒莊生齊萬物譽
跖詆聖賢晚來讀真誥始悟南華篇吳人嚴白虎位已登上仙豈獨侯與

王顧盼豪人間真幸無不容小儒徒咕咕漆園窺其微所以爲知天

其十

遭時固不易推心尤獨難景略王佐才臣主真交歡天意不佑秦中道奪之年苻堅有大度豁達知名賢獨斷未爲失興毀盜非天賊萑寔弑君聞者爲衝冠鎮惡丞相孫流落來江南西伐功冠軍力戰收長安手劍縛姚泓俘之出潼關張良爲劉氏雅志在報韓能以家國耻誅申兩主問其地皆西秦功亦堪比肩區區一李方報恩何足言

其十一

宜城酒家保北海賣餅師千金懸賞購萬里刊章追途窮變名姓勢急投親知漢法重亡命保舍加誅夷破家相存濟百口同安危虞卿捐相印恨未脫魏齊惜哉燕太子流涕樊於期瀨水一女子魯國一小兒今也無其人已矣其安歸廣柳可以置置當猛虎蹊複壁可以藏藏憂黠鼠窺古道不可作太息將何爲

其十二

深林有惡木盤曲沮洳間荆棘傷人衣幸受蕭斧寬交柯蔭且黑下根修

蛇蟠蒸出爲靈菌五色絢且爛采之登明堂薦以白玉盤旁置博山爐其上刻鳳鸞洗濯天露漿錯列金琅玕東隣聘姣女其母爲無鹽厲而能生子才也足拜官盜跖保令終構机啓後賢麟趾世所羨蓬尾何必嫌天道不可信世德良復難

梅村家藏藁卷第一終